

Нет автора

Полное собрание русских летописей

Том 20. Часть 2

УДК 304
ББК 60.5
Н57

Н57 **Нет автора**
Полное собрание русских летописей: Том 20. Часть 2 / Нет автора – М.: Книга по Требованию, 2021. – 270 с.

ISBN 978-5-4241-8848-0

ISBN 978-5-4241-8848-0

© Издание на русском языке, оформление
«YOYO Media», 2021
© Издание на русском языке, оцифровка,
«Книга по Требованию», 2021

Эта книга является репринтом оригинала, который мы создали специально для Вас, используя запатентованные технологии производства репринтных книг и печати по требованию.

Сначала мы отсканировали каждую страницу оригинала этой редкой книги на профессиональном оборудовании. Затем с помощью специально разработанных программ мы произвели очистку изображения от пятен, клякс, перегибов и попытались отбелить и выровнять каждую страницу книги. К сожалению, некоторые страницы нельзя вернуть в изначальное состояние, и если их было трудно читать в оригинале, то даже при цифровой реставрации их невозможно улучшить.

Разумеется, автоматизированная программная обработка репринтных книг – не самое лучшее решение для восстановления текста в его первоизданном виде, однако, наша цель – вернуть читателю точную копию книги, которой может быть несколько веков.

Поэтому мы предупреждаем о возможных погрешностях восстановленного репринтного издания. В издании могут отсутствовать одна или несколько страниц текста, могут встретиться невыводимые пятна и кляксы, надписи на полях или подчеркивания в тексте, нечитаемые фрагменты текста или загибы страниц. Покупать или не покупать подобные издания – решать Вам, мы же делаем все возможное, чтобы редкие и ценные книги, еще недавно утраченные и несправедливо забытые, вновь стали доступными для всех читателей.

что государь еще младъ, трехъ лѣтъ, а князь Юрьи совершенъ человекъ, люди приучити 1634. умѣть, и какъ люди къ нему поѣдутъ, и онъ станеть подъ великимъ княземъ государства его подискивати. И паки діаволъ, видя, яко хоцеть мысль сбытися, вниде во князя Андрѣа Шуйскаго, и восхотѣ князь Андрѣй отѣхати ко князю Юрью Ивановичю. И преже бо того онъ отѣзжалъ при великомъ князе Василье, и князь великий посылалъ по него и по брата его по князя Ивана, оба бо тогда отѣзжали; князь же Юрьи нимало не пререкова о нихъ, но въскоре ихъ отда великого князя посланникомъ князю Юрью Дмитриевичю Пронскому да Елизару Цыплатеву; они же приведоша ихъ къ великому князю на Москву, князь великий же положи на нихъ опалу свою, велѣлъ ихъ оковавши розослати по городомъ. Послѣ же великого князя великаа княгини ихъ пожаловала выпустила изъ поиманія, а болшее митрополитъ и бояре печаловалися, понеже бо великаа княгини тогда въ велицей печали по великомъ князе Василье Ивасовиче; и тако пожаловала ихъ, опалы имъ отдала и пожаловала ихъ¹. Онъ же злодѣй мало побывъ тако, паки помысли ко князю Юрью отѣхати, и не токмо отѣхати, но² и на великое княженіе его поднати; а у князя сего на мысли не бывало, понеже бо крестъ целовалъ великому князю, какъ было ему изменить? Но князь Андрѣй Шуйской одинако помышляше злое православному хрестіанству, но Богъ совѣтъ его разруши въскоре: сказа бо свой совѣтъ брату своему князю Борису || Горбатову сице, что посылаеть л. 605. по него князь Юрьи, и онъ къ нему хоцеть отѣхати, ино бы съ нимъ ѣхалъ и князь Борисъ: «а здѣсе намъ служити, и намъ не выслужити: князь великий еще молодъ, а се слова носятя про князя Юрья; и толко будетъ князь Юрьи на государствѣ, а мы къ нему ранее отѣдемъ, и мы у него тѣмъ выслужимъ». Князь же Борисъ не восхотѣ отѣхати ко князю, но и ему возбраняше. Князь Андрѣй же видя, яко не угоденъ явися совѣтъ его князю Борису, и приде къ великой княгинѣ и къ великому князю, сказа, что будто присылалъ по него князь Борисъ братъ его, а говорилъ ему, чтобы съ нимъ ѣхалъ ко князю; а князь будто къ нему присылалъ, чтобъ къ нему ѣхалъ, а къ нему хотять будто многіе люди. И князь Борисъ великой княгинѣ билъ челомъ, что на него сказываетъ князь Андрѣй не по дѣлу: самъ его князь Андрѣй подговаривалъ, чтобъ съ нимъ отѣхалъ, и онъ отѣхати не хотѣлъ, и князь Андрѣй на него того дѣла затеваеть. И великая княгини того сыскавъ, что князь Андрѣй лгалъ, а князь Борисъ сказывалъ правду, и велѣла князя Андрѣа посадити въ стрѣльнице за сторожи. И бояре рѣша великой княгинѣ: «только, государыня, хочешь государство подъ собою и подъ сыномъ своимъ, а подъ нашимъ государемъ, крѣпко дръжати, и тебѣ пригоже велѣти поимати князя Юрья». Великая же княгини тогда бяше въ велицей кручинѣ по великомъ князе Василье, || и рече бояромъ: «какъ будетъ пригоже, и вы такъ и дѣлайте». Бояре же оттоле начаша думати³. А у князя пикоторого же помышленія лихого не было; глаголаху бо мнози, яко мнози его дѣти боярскыя говорили ему, чтобъ князь поѣхалъ въ Дмитровъ; не токмо же дѣти боярскіе, но и бояре его глаголаху ему: «толко, государь, поѣдешь⁴ въ Дмитровъ, ино на тебя никто посмотрити не смѣеть, а здѣсь тебѣ жити, и насъ слухи доходятъ, кое, государь, тебѣ быти одноконечно поиману». Князь же отвѣща имъ: «пріѣхалъ къ своему государю къ великому князю Василью, а государь по грехомъ боленъ, и

¹ опалы... ихъ» освободила А. Л. ² и не токмо... но *нѣтъ* А. Л. ³ думать, какъ бы то учинить А. Л. ⁴ глаголаху бо... поѣдешь» и хотя многіе бояре его увѣщевали, чтобъ онъ поѣхалъ въ Дмитровъ, глаголюще тако: ежели изволишь Государь поѣхать А. Л.

1534. явъ ему целоваль крестъ да и сыну его великому князю Ивану на томъ, что ми ему и сыну его добра хотѣти во всемъ и государствъ подъ нимъ и подъ его сыномъ не подискивати некоторыми дѣлы; и мнѣ какъ¹ крестное цѣлованіе преступити? готовъ есмь по своей правде и умерети². А бояре совѣтъ сотвориша, что имъ князя Юрья изымати, и великой княгине сказаша думу свою. И великаа княгини рече имъ: «то вѣдаете вы». И бояре князя Юрья изымаша мѣсяца декабря 11 день, въ четвертокъ, и посадиша его въ полате на дворцѣ за сторожи, и его боярь. О звездахъ³. Тоя же осени, октомврія мѣсяца 20 день, въ ноци съ пятницы на субботу, во граде Москвѣ видѣша мнози людіе звѣзды по небеси протягахуся, якоже верви, и летаху отъ востока на зимній западъ. О Крымскихъ послѣхъ⁴. Тоя же осени, ноября, пріѣхали къ великому князю Василью Ивановичю всеа Руси на Москву отъ Саиць Гирѣа царя Крымского человекъ его Девлетъ Килдѣй и отъ Ислама царевича Будалый мырза з грамотами; а князь великій тогда уже немощенъ, и велѣлъ князь великій у нихъ грамоты взяти. Да царь же прислалъ къ великому князю съ своимъ человекомъ съ Каиць Бердѣемъ грамоту Петра воеводы Волошкаго. И какъ Божіа воля сталася, великого князя Василья въ животѣ не стало, и Божією милостію и великого государя Василья Ивановича всеа Руси благословеніемъ на тѣхъ государствѣхъ государемъ сѣлъ сынъ его болшій князь великій Иванъ Васильевичъ всеа Руси, и велѣлъ быти у себя цареву Саиць Гирѣеву человеку и Исламову человеку, и ихъ жаловаль. О послѣхъ же въ Крымъ⁵. Тоя же осени князь великій Иванъ Васильевичъ всеа Руси, посовѣтовавъ съ матерію своею съ великою княгинею Еленою и з бояры, Саиць Гирѣевыхъ царевыхъ и Исламъ Гирѣевыхъ людей къ ихъ государямъ отпустилъ; а къ царю и къ Исламу послалъ князь великій своего сына боярского Ивана Ильина сына Челищева, хотя съ ними мирѣ. Да и ко инымъ государемъ послалъ своихъ людей възвестити отца своего преставленіе и себя на государствѣ объявити: въ Литву к королю къ Жигимонту послалъ своего сына боярского Тимофѣа Васильевича Заболотцкого Бражникова, а къ Петру воеводе Волошскому послалъ Татаръ своихъ Бахтеяра Баймакова съ товарищи, а въ Казань къ Яналѣю царю и ко княземъ и ко всей землѣ Казанской Василья Беречинского. О чудесѣхъ иконы святыа великомученицы Варвары⁶. Тоя же зимы, мѣсяца февраля, въ первое лѣто государства благочестиваго и христоролюбиваго великого князя Ивана Васильевича всеа Русіи самодръжца и его матери благовѣрной и христоролюбивой великой княгини Елены, прояви Господь нашъ Исусъ Христосъ отъ иконы святыа великомученицы Варвары чудотвореніе: слѣпци прозираху, глушии слышаху, нѣмии проглаголаху, и всякими болѣзными одержими исцеленіе неоскудно приемлють, съ вѣрою приходящимъ въ честный храмъ еа, еже бѣ за торгомъ у Панского двора; а преже сего времени чудотворенія быша втайнѣ, а нынѣ явлена и видима. ⁷Того же мѣсяца февраля 11 день посланникъ великого князя Ивана ис Казани Василій Беречинскій пріѣхалъ; а съ нимъ вмѣсте прислалъ царь къ великому князю своего человекъ Чюру Молловоду⁸ з грамотою. ⁹И того же мѣсяца 21 день отпустилъ князь великій ко царю его человекъ Чюру, а съ нимъ вмѣсте послалъ князь великій ко царю своего человекъ Посника Головина. ¹⁰Тое же весны, апрѣля, придоша къ ве-

¹ и мнѣ какъ» того ради лутче хочу умерети нежели мнѣ А. Л. ² готовъ... умерети *нѣтъ* Л. ³ Заголовка *нѣтъ* Л. ⁴ Заголовка *нѣтъ* Л. ⁵ Заголовка *нѣтъ* Л. ⁶ Заголовка *нѣтъ* Л; Отъ иконы святыа великомученица варвары чудеса А. ⁷ На *полтѣ кимов. заголовокъ*: о посланникѣ ис казани Б. ⁸ Моимоводу Л. ⁹ *Ким. на полтѣ*: отпущены посланники в казань Б. ¹⁰ *Ким. на полтѣ*: послы ис казані Б.

ликому князю Ивану Васильевичу государю самодержцу всеа Руси на Москву послы Казан- 1534.
ские Кудайку уланъ да Бу||рнакъ князь да Али Бакшей отъ царя Яналга, и отъ царевны, и л. 607.
отъ князей, и отъ мурзъ, и отъ всѣхъ людей Казанские земли, и зравствоваша великого го-
сударя Ивана Васильевича всеа Руси на государствѣхъ, и били челомъ великому государю,
чтобъ государь пожаловалъ царя съ собою во единачестве учинилъ и братомъ его собѣ на-
звалъ, «а князей бы Казанскихъ и всю землю Казанскую жаловалъ и берегъ, какъ отецъ
твой князь великій Василей Ивановичъ жаловалъ и берегъ¹»; а они отъ великого князя
Ивана Васильевича всеа Руси неотступны хотять быти всею землею Казанскою и до
своихъ животовъ и ихъ дѣти. И князь великы пожаловалъ царя съ собою во единачествѣ
учинилъ и братомъ его собѣ назвалъ, а князей Казанскихъ и всѣхъ людей Казанские
земли хочеть жаловати и беречи такъ же, какъ и отецъ его князь великій Василій
жаловалъ и берегъ; и пословъ Казанскихъ князь великій велѣлъ, грамотами и шертію
укрепивъ, отпустить въ Казань мѣсяца іюня 14 день.² Того же мѣсяца маіа 8 приходили Татарове
Азовцы и Крымцы многіе люди на Рязанские мѣста, на Проню; и воеводы, отъ великого
князя посланные на Рязань, князь Семень князь Ивановъ сынъ Пунковъ да князь Иванъ Тать
князь Федоровъ сынъ Хрипуновъ, слышавъ Татаръ, и поидоша на нихъ не со многими людьми;
и Божією милостию и пречистыа Его Матери помощію и святыхъ чудотворецъ молитвою, до-
педъ Татаръ на Пронѣ, многихъ побили, || а пятьдесятъ Татариновъ да три живыхъ изымавъ, об. 607
къ великому князю на Москву прислади. И князь великый воеводъ своихъ за то пожаловалъ.
³ Того же мѣсяца въ 20 день, повелѣніемъ благовѣрнаго и христоролюбиваго великого государя
Ивана Васильевича всеа Руси и его матери благочестивой царицы великой государыни Елены,
заложивъ градъ земель, отъ каменнаго города возлѣ Неглимну къ Живоначальной Троицы на
площадку, а оттоле на Васильевской дугъ х Козмѣ и Дамбяну, къ Москвѣ къ рекѣ, и возле
реку Москву х каменной же стѣнѣ приведоша. А велѣлъ князь великый здѣлати градъ и ровъ
копати митрополчимъ и боярскимъ и княжимъ и всѣмъ людемъ безъ выбора, и здѣлаша его
того же лѣта мѣсяца іюня.⁴ Того же лѣта, мѣсяца іюня 22 день, посланникъ великого князя
Ивана Васильевича Иванъ Илинъ сынъ Челищевъ ис Крыму пріѣхалъ, а съ нимъ прислалъ
Исламъ царь своего человекъ Будалый мурзу. А сказалъ Иванъ великому князю, что Саипъ
Гирѣй царь Крымскый не похотѣлъ дружбы и братства съ великимъ княземъ того ради, что
прислалъ ко царю Жигимонтъ король Литовской, чтобы царь съ нимъ былъ въ братствѣ, а
на великого князя былъ съ нимъ задинъ; и Саипъ Гирѣй царь похотѣлъ королю дружити, а
на великого князя быти съ нимъ задинъ. А отъ Нагайскихъ князей и мурзъ также при-
сылки некоторые не было, и ратны захотѣли быти съ ве||ликимъ княземъ. А отъ короля Жи- л. 608.
гимонта пріѣхалъ великого князя посланникъ Тимофѣй Васильевичъ Бражниковъ, а сказалъ,
что король отвѣтъ ему учинилъ гордостенъ: которые города з Божьею помощію великый князь
Василии свою отчину у него поималъ, и тѣхъ бы городовъ князь великый Иванъ ему посту-
пился; и не похотѣлъ такъ быти, какъ былъ съ великимъ княземъ Васильемъ, да такъ же во-
оружился, а х Крымскому царю послалъ, чтобъ съ нимъ на великого князя былъ задинъ. И
великый государь Иванъ Васильевичъ всеа Руси, слышавъ Крымского царя недружбу и На-

¹ какъ отецъ твой... берегъ *приписано на полъ Б.* ² *Кин. на полъ:* побили татаръ на рязані князь семень поунковъ да князь иванъ тать Б. ³ *Кин. на полъ:* заложень городъ китай на москвѣ Б. ⁴ *Кин. на полъ:* пришли великого князя посланники изъ крыма и изъ литвы Б.

1534. гайскихъ князей и мырзъ и королево несогласье, ¹упованіе свое полагаетъ на всемилостиваго Бога и воеводу своихъ посылаетъ на Коломну, князя Ивана Бѣльскаго и иныхъ воеводъ, а брата его князя Семена Бѣльскаго же да Ивана Лятцкова въ Серпуховъ, а князю Ивану Воротынскому велѣлъ быти въ его вотчине въ Одоеве, а велѣлъ воеводамъ своимъ беречи своихъ украинъ отъ Крымскаго царя и отъ короля; а князю Михаилу Глинскому велѣлъ у себя быти на Москвѣ. И восхотѣша въ государевѣ царствѣ учинити мятежь князь Семень Федоровичъ Бѣльской и Иванъ Лятцкогъ, съ великаго князя службы збежали отъ православныя вѣры хрестіанскія и отъ благочестиваго государя въ Латынство къ Жигимонту королю Польскому ². И князь великій Иванъ Васильевичъ и его мати великая княгини || Елена положили опалу свою на князя Ивана Федоровича Бѣльскаго и на князя Ивана Воротынскаго и на его дѣтей, велѣлъ ихъ поймавъ посадити за сторожи; и князя Михаила Глинскаго велѣлъ поимати же и посадити въ полату, въ той же, въ которой и преже того сидѣлъ, у конюшни, за сторожи. О послѣхъ въ Казань ³. Того же лѣта, мѣсяца іюла, послалъ князь великій въ Казань своего большаго посла Феодора Ивановича Беззубцева, Яналѣя царя на грамоте на шертной къ шерти привести и князей Казанскихъ и мырзъ и всю землю Казанскую на грамоте укрепити и къ шерти привести. И Феодора въ Казани не стало, и привезоша его на Москву. ⁴Того же лѣта прѣхалъ къ великому князю Ивану Васильевичю изъ Волохъ Федуръ Левинъ, а посланъ былъ отъ великаго князя Василья Ивановича въ Волохи; а съ нимъ прислалъ Петръ воевода Волошскій своего челоуѣка Бустерѣа з грамотою, чтобъ его князь великій Иванъ Васильевичъ жаловалъ и беречь по тому же, какъ отецъ его князь великій Василей жаловалъ. ⁵Того же лѣта Исламъ царевичъ Магмедъ Гирѣвъ сынъ царевъ помятовалъ свою правду и великаго князя Василья Ивановича всеа Руси къ собѣ дружбу, учалъ з дядею своимъ съ Саипъ Гирѣмъ царемъ съ Менли Гирѣвымъ царевымъ сыномъ бранити за то, что онъ съ королемъ хечеть быти за-
л. 609. одинъ на великаго князя, и совокупився со всею ордою Крымскою, || а Крымскыя люди всѣ изымалися за Ислама,—и Исламъ пришедеъ Саипъ Гирѣа царя съ царства согналъ, а самъ на Крыму царемъ ся учинилъ. А великому князю Ивану Васильевичю всеа Руси учалъ Исламъ дружбу свою чинити и въ братствѣ съ великимъ княземъ учинился. А изъ Ногай къ великому князю Шидякъ князь и мырзы прислали своихъ ⁶ великихъ пословъ и гостей многихъ съ великими товары, и просиша у великаго князя, чтобы князь великій держалъ ихъ по тому же, какъ ихъ держалъ отецъ его князь великій Василей Ивановичъ. ⁷Того же лѣта, августа 10-й, князь великій Иванъ Васильевичъ всеа Руси къ Исламъ Гирѣю царю его челоуѣка Будалы мурзу отпустилъ, а съ нимъ вмѣсте послалъ ко царю своего сына боярскаго Феодора Логинова; а приказалъ князь великій съ своимъ сыномъ боярскимъ къ Исламу царю, что съ нимъ въ дружбе и братстве хечеть быти, и послалъ къ нему на государствѣ ему поздравствовати большаго посла своего добраго челоуѣка князя Василья Семеновича Мезетцкаго. Да на Крымъ же князь великій отпустилъ с Исламъ Гирѣвымъ челоуѣкомъ з Будалемъ и съ своимъ сыномъ боярскимъ вмѣсте Петра воеводы Волошскаго челоуѣка его Бустереа, а

¹ Кин. на полт.: о измѣне и отаде бѣльскаго и лятцкаго в литву В. ² отъ православныя... польскому къ Жигимонту королю отъ благочестиваго Государя; такожъ отступили отъ православныя вѣры Хрестіанскія въ Латынство А. Л. ³ Заголовка нѣтъ Л. ⁴ Кин. на полт.: о волоскомъ посланьи В. ⁵ Кин. на полт.: о исламе царевиче В. ⁶ своихъ повторено дважды В. ⁷ Кин. на полт.: посланникъ къ исламу царю В.

съ нимъ послалъ къ Петру воеводе своего Татарина Нагая Тулешева; а приказалъ князь великий Иванъ къ Петру воеводе, что его жаловати хочеть по тому же, какъ его жаловалъ отецъ его князь великий Васи||лей Ивановичь. ¹ Того же мѣсяца 27 день приидоша къ ве- об. 609.
 ликому князю Ивану Васильевичю всеа Руси послы Нагайские отъ Шидяка князя Кудояръ князь, а отъ мырзъ ихъ люди, чтобъ князь великий съ нимъ дружбу свою держали и ихъ жаловалъ и гостемъ Нагайскимъ пожаловалъ бы велѣлъ въ свои государства съ коньми и со всякимъ товаромъ ходити и торговати. И князь великий и его мати Нагайскихъ пословъ пожаловали, гостемъ ихъ велѣлъ торговати; да почтивъ ихъ, князь великий отпустилъ Нагайскихъ пословъ, да съ ними вмѣсте послалъ въ Ногаи своего посла Данила Иванова сына Губина Коломнятина; а приказалъ князь великий ко князю и къ мурзамъ, что ихъ хочеть съ собою въ дружбе дрѣжати такъ же, какъ ихъ держалъ отецъ его князь великий Василій Ивановичь.

² Въ лѣто 7043-го, мѣсяца сентеврѣа въ 3 день, король Жигимонтъ совеща-
 ніемъ злыхъ измѣнниковъ великого государя и его матери великой княгини Елены, князя Се-
 мена Бѣльскаго и Ивана Лятцково,—ихъ возмущеніе, вѣста отъ нихъ мятежь, отъ пакостно-
 вазнивыхъ и гордоумныхъ и ложныхъ, подостриша Латынство на своего православнаго госу-
 даря,—и на его украинныя мѣста великія дрѣжавы прислалъ король воеводъ своихъ со многими
 людьми, Андрія Немирова воеводу Кіевскаго намѣстника Кричевскаго и иныхъ своихъ вое- л. 610.
 водъ. И королевѣ воеводы со многими людьми, прашедъ подъ Стародубъ, || посадъ зажгли; и
 воевода великаго князя князь Александръ Капинъ изъ града противъ Литовскихъ людей вы-
 слалъ Андрія Левина не со многими людьми, и Божимъ милосердіемъ и пречистые Богоматери
 помощію, великаго государя люди подъ городомъ, Ондрѣй Левинъ Литовскихъ людей многихъ
 побилъ, а сорокъ человекъ пищальниковъ живыхъ изымалъ со всѣмъ нарядомъ и съ пищальми
 да доброво человекъ королева Суходольскаго. И Литовские люди отъ того дрогнувъ, и прочь
 пошли того же дни. ³ И идучи отъ Стародуба мимо Радогощ⁴, посадъ у города Рагоща⁵
 зажгли. И люди градскыя на Литовскихъ людей изъ града вышли, а во граде тогда былъ на-
 мѣстникъ Матфѣй Лыковъ и пострадалъ за благочестіе крѣпцѣ; и отъ посаду и городъ згорѣлъ,
 и намѣстникъ въ городе, а жену его и детей въ полонъ взяли, и много христіанства попле-
 ниша. И оттоле пришедъ Литовские люди къ Почапу, и постоявъ часъ, и прочь пошли. А
 великаго государя Иванъ Васильевичъ и великая государыни мати его Елена отъ короля не
 бреглись, а въ своихъ воеводахъ измѣны не чаяли, и на тѣ свои украинны воеводъ своихъ съ
 людьми не послалъ, а велѣлъ быти и беречи воеводамъ своимъ на Коломне, и тѣмъ своимъ
 измѣнникомъ въ Серпухове, и по инымъ мѣстамъ воеводамъ своимъ отъ Крымскаго царя и
 царевичевъ. Кралъ же видѣвъ, что отъ великаго князя къ нему прибѣ||гли два воеводы, а на об. 610.
 Стародубьскихъ украиннахъ прибыльныхъ людей великаго князя нѣтъ, и онъ послалъ на тѣ
 украинны людей своихъ по тѣхъ измѣнниковъ науку⁶. И князь великаго Иванъ Васильевичъ и
 его мати великаго княгини Елена, послыша Литовскихъ людей на своихъ украиннахъ, и по-
 слалъ воеводъ своихъ часа того на тѣ украинны противъ Литовскихъ людей; и Литовскыи вое-
 воды, свѣдавъ, что великаго князя воеводы идутъ противъ ихъ, и они, не дождавъ воеводъ,
 поидоша съ украинны великаго князя и съ плѣномъ. ⁷ Того же мѣсяца королевѣ воевода

¹ Кин. на полт.: о нагайскихъ послѣхъ Б. ² Кин. на полт.: о стародубе Б. ³ Кин. на полт.: о ра-
 догоще Б. ⁴ Радогожь Л. ⁵ Радогожа Л. ⁶ науку Б. А.; на Оку Л. ⁷ Кин. на полт.: о чернигове Б.

1535. Андрѣй Немировъ съ своими товарищи и со многими людьми Литовскими, пришедь подъ Черниговъ со многими людми и съ великимъ нарядомъ съ пушечнымъ и съ пищальнымъ, учаль къ городу къ Чернигову приступати, ис пушекъ и ис пищалей на градъ стреляти; и изъ града великого князя пищальники не даша имъ добръ приступати. И Божимъ промысломъ воеводы великого государя Ивана Васильевича и его матери великой княгини Елены князь Федоръ князь Семеновъ сынъ Мезецкого умыслилъ и выслалъ на Литовскихъ людей ночью Черниговцевъ, и великого князя люди смятоша ими, Литва же промежь себя сами сечахуся: якоже Гедіонъ Мадіямлянѣмъ сотвори, тако же и великого князя воевода Литов-
- л. 611. скымъ людемъ съдѣла; много побили Литовскихъ людей, и пушки и пи||щали со всѣмъ нарядомъ у нихъ поймали; и Андрѣй Немировъ на утреней зари и прочъ побегалъ съ великимъ срамомъ. ¹Того же мѣсяца 13 приходилъ на Смоленские мѣста и на посадъ Литовскій князь Александръ Вишенскій со многими людми; и великого князя воеводы Смоленские на Литовскихъ людей вышли и многихъ людей Литовскихъ у королева воеводы побили, и они въскоре того же дни и прочъ пошли. ²Тоя же осени великій государь самодержецъ Иванъ Васильевичъ всеа Руси и благочестивая и христоролюбивая мати его вторая царицы Елена, не мога сего трыпѣти отъ Жигимонта короля Полскаго, совѣтъ сотворяеть съ своими бояры, хотя послати на зачинающаго брань на Литовского короля, дерзающаго на благочестіе великие дръжавы православнаго государя. И великій государь Иванъ и его мати упованье свое возлагають на Вседръжителя Бога Отца и Сына и Святаго Духа и на пречистую Богородицу и на всѣхъ святыхъ, мѣсяца ноемвриа 28 день отпускаетъ воеводъ своихъ съ Москвы, въ болшомъ полку боярина своего и воеводу князя Михаила Васильевича Горбатого да князя Никыту Васильевича Оболенского, а въ передовомъ полку боярина своего конюшого князя Ивана Федоровича Телепнева да князя Никыту Борисовича Туренина, а въ правой рукѣ князя Петра Ивановича Репнина да князя Петра князь Федорова сына || Охлябинина, и въ лѣвой рукѣ князя Василья Ивановича Репнина да князя Ивана князь Семенова сына Мезецкого, а въ сторожевомъ полку князя Ивана Ивановича Белевского да Василья Петрова сына Борисова. А изъ Новагорода изъ Великого и изъ Пскова послалъ князь великій воеводъ своихъ отъ Опочки, а велѣлъ итти въ болшомъ полку боярину и намѣстнику Новугородцкому князю Ивану Борисовичю Горбатого да Василью Ондрѣевичю Шереметеву, а въ передовомъ полку князю Михаилу Михайловичю Курбьскому да князю Дмитрею Федоровичю Палецкому, а въ правой рукѣ князю Михаилу Ивановичю Кубенскому да Ивану Семеновичю Воронцову, а въ лѣвой рукѣ Дмитрею Семеновичю Воронцову да Федору Семенову сыну Колычову, а въ сторожевомъ полку князю Федору Михайловичю Курбьскому. И воеводы великого государя пришли въ Литовскую землю, а король бѣ тогда въ Вильне и не успѣ ничтоже. Посланные воеводы съ Москвы начаша воевати отъ великого князя вотчины, отъ Смоленского рубежа, королеву дръжаву: Дубровну, Оршу, Друческъ, Борисово, Прихабы, Соколинъ, Бобыничи, Заборовіе, Сорницу, Свѣси, Новой ³, Боровичи и иные города; и пришли
- л. 612. въ Молодечну и стали дожидатися Новугородцкихъ || воеводъ. А Новугородцкие воеводы воевали Полтескъ, Витепскъ, Браславль, Осеновецъ, Сѣнну, Латыгошу и иные города. И сошлись великого князя воеводы во едино мѣсто въ Молодечну ⁴, пошли

¹ Кн. на полк: о смоленске Л. ² Кн. на полк: о походе на литвою Б. ³ свѣси новои свѣсино, вои Б. А. Л. ⁴ и воевавъ молодечну приписано друг. почеркомъ на полк Б.

къ Вильнѣ и стали отъ Вилны за четьредесять верстѣ; а людей великого князя воеводы ро- 1535.
 зослали воевати около Видны, и люди великого государя воевали отъ Вильны за пятнат-
 цать верстѣ. А оттоле пошли воеводы великого князя по Литовской землѣ, воевали и до Не-
 метцкого рубежа, у городовъ посады пожгли, и волости и села королевы и панские жгли, а
 людей пленили безчислено множество, а животину съкли, и многихъ людей побили. Господь
 нашъ Исусъ Христосъ и пречистаа Мати Его такову помощь помазаннику своему и его ма-
 тери, воемъ ихъ побѣду дарова, въ чуждей странѣ безъ страхованья и безъ противленія то-
 лико множество воевали, Божиимъ милосердіемъ сохранено бысть великого государя и его ма-
 тери воинство цѣло и здраво, придоша на Опочку съ великою корыстію и со многимъ плѣ-
 номъ мѣсяца марта въ 1 день, въ четвертую недѣлю святаго поста. ¹И въ то же время по-
 слалъ князь великій и его мати въ другое мѣсто Литовские земли воевати изъ Стародуба
 тоя же осени и того же мѣсяца ноябрю воеводѣ своихъ, въ болшомъ полку князя Федора Василье- об. 612.
 вича Телепнева Овчину да князя Ивана князь || Тимофѣева сына Тростенского, а въ передо-
 вомъ полку князя Костянтина Ивановича Курлятева, а въ сторожевомъ полку князя Дмитреа
 Ивановича Курлятева же ² со многими людьми. И воеводы великого князя и его матери шедъ
 воевали королеву дръжаву, города Речицу, Свислячъ, Горволь, Петровъ городокъ, Мозырь,
 Случескъ, Рогачовъ, Бобруескъ, Туровъ, Брятинъ, Либичъ, и до Новагородка Литовского по-
 сады жгли, и волости и села воевали, и люди плѣнили. И Божією милостію далъ Богъ
 воеводы великого государя и люди всѣ вышли изъ Литовские земли здравы со многимъ плѣ-
 номъ. ³Тоя же зимы, мѣсяца генваря 11 день, пріѣхалъ къ великому князю Ивану Василье-
 вичю всеа Руси и къ его матери къ великой княгинѣ Еленѣ изъ ихъ вотчины богомолецъ
 ихъ архіепискупъ Макарій Великого Новагорода и Пскова, поздравствовалъ великого государя
 Ивана Васильевича на великихъ государствѣхъ, благословилъ и челомъ ударилъ великому
 князю крестъ самфиръ златомъ обложенъ да крабицу хрусталну сребромъ золоченымъ око-
 вану съ финифтомъ и иные многіе дары. И князь великій архіепискупа, почтивъ его, отпу-
 тилъ въ свою вотчину того же мѣсяца 28 день, въ четвертокъ Мясопускныя недѣли. О не- л. 613.
 мецкыхъ послѣхъ ⁴. Того же мѣсяца 16 придоша къ великому князю Ивану Васильевичю
 царю и государю всеа Руси на Москву послы || и Стеколна отъ избраннаго короля отъ
 Свѣйскаго отъ Гастауса Гутманъ Лавровъ, да Матиашъ Лавровъ, да Ольбрехтъ Овкымовъ, и
 здравствоваша великого государя на великихъ государствѣхъ и били челомъ великому князю о
 перемириі. И великій государь Иванъ Васильевичъ пословъ почтивъ, и отпустилъ ихъ, а це-
 ремиріе велѣлъ взяти намѣсникомъ Новугородцкымъ въ своей отчине въ Великомъ Новѣгородѣ
 по тому же, каковы были перемирья со отцемъ его великимъ княземъ Васильемъ Иванови-
 чемъ всеа Руси. ⁵Того же мѣсяца 21 день пріѣхалъ къ великому князю Ивану Васильевичю
 всеа Руси изъ Крыму Василей Сергѣевъ сынъ Левашева съ товарищи; а посланъ былъ отъ
 великого князя Василья Ивановича въ Крымъ Ислама поздравствовати на царствѣ, а при-
 везъ къ великому государю Ивану Васильевичю изъ Крыму отъ Ислама царя грамоту шерт-
 ную; и съ нимъ вмѣсте пришелъ Исламовъ царевъ посоль Тенишъ князь Китай Караамса-
 новъ сынъ съ тѣмъ, что Исламъ царь учинился съ великимъ княземъ Иваномъ въ братствѣ

¹ Кин. на полт: о литовской же войнѣ Б. ² а въ сторожевомъ... же нѣтъ Л. ³ Кин. на полт: о архіепископе новугородцкомъ Б. ⁴ Заголовка нѣтъ Л. ⁵ Кин. на полт: о крымскомъ послѣ Б.

1535. и въ крѣпкой дружбе, и правду великому князю Исламъ дасть, и съ нимъ калга Сафа Ки-
рѣй царевичъ и иные царевичи, и хотять быти съ великимъ княземъ задинъ на недруговъ
великого князя. О ракахъ¹. Благаго и челоуѣколюбиваго Бога Господа нашего Исуса Христа
и пречиста Его Матери благый рабъ и добрый строитель и правитель истинна вѣры
об. 613. христьянскыа благочестивый и боголюбивый самодръжавный великий государь Василей || Ива-
новичъ всеа Руси, милостивый и нищелюбивый, съ великою вѣрою и любовью часто приходитъ
ко святей и велицей церкви пречиста и всенепорочна Богоматере и ко гробу святителя
Петра чудотворца и церкви, идѣже лежать мощи святаго и великаго Алексѣа чудотворца, и
лобызаа со слезами великий государь честна и святаа мощи ихъ, и особъ наедине по вся
дни и нощи съ теплою вѣрою на помощь призываетъ ихъ, и въ молитву подвизаетъ ихъ, да
помогутъ ему ходатайствомъ къ Богу и ко пречистой Его Матери о прижити чадъ, и обѣты
своа предъ ними въ сердца своемъ полагаетъ, еже благопріятѣ быти молитвѣ его, —
писано бо есть въ древнихъ убо и въ нынешнихъ²: любящимъ Бога вся поспе-
шаются во благое, вся убо возможна вѣрующему, рече Господь. И родися ему сынъ,
и великий государь, хваля и благодаря Бога и пречистую Его матеръ и святыхъ вели-
кихъ чудотворецъ Рускихъ Петра и Алексѣа, и блажа ублажаетъ³ ихъ: «О святіи отцы,
о пастыріе и учителіе наша дръжавы! кое благодареніе воздамъ о сихъ вашему достоинству,
чадолюбивыи отцы святіи?» И со многимъ моленіемъ и радостною душею обѣты сердца своего
исполнити хотя святымъ чудотворцемъ, раку мощемъ ихъ повелѣ дѣлати со всякимъ царскимъ
устроеніемъ: святому и великому чудотворцу раку злату вычеканити, и образъ златъ Петра
л. 614. чудотворца, || и каменіемъ драгимъ украсить, а страны у раку серебряны; а святому Алексѣю
чудотворцу раку серебряну всю, и на ракъ образъ его позлатити, и столпцы у раку позла-
тити же. Въ лѣто 7039, мѣсяца генваря, въ двадесять шестое лѣто государьства его, начаша
дѣлати святымъ раку, и додѣлаша раку святаго и великого чудотворца Алексѣа въ лѣто 7043,
мѣсяца февруаріа, въ второе лѣто царьства благовѣрнаго и христолоубиваго великого князя
Ивана Васильевича и его матери благовѣрной и христолоубивой великой княгини Елены. И
благочестивый и великий самодръжець Иванъ Василіевичъ Божією милостію государь всеа
Руси и великий князь, и его мати благовѣрная и велемудраа великаа государыни княгини
Елена съ великою вѣрою и со многимъ желаніемъ—О преложеніи мощемъ Алексіа
чудотворца⁴—повелѣ Данилу митрополиту преложити мощи святаго⁵ Алексіа чудотворца въ
раку серебряну. И того же мѣсяца 11 день, въ четвертокъ первые недѣли поста, въ 3 часъ
нощи, Данилъ митрополитъ, и епискупъ Іона Рязанскый, и епискупъ Досифей Крутицкый, и
архимандритъ Іона обители тоа, молебнаа пѣвъ, и преложивша мощи святаго Алексіа чудо-
творца въ раку серебряну; бѣ же ту и великий государь Иванъ Васильевичъ з братомъ своимъ
со княземъ Георгіемъ и множество боляръ; и поставивша раку съ мощми святаго въ храмъ,
идѣже бѣ первіе. О посланникехъ въ Крымъ⁶. Тоа же зимы, мѣсяца марта въ 8, по-
об. 614. слалъ князь великий Иванъ || Васильевичъ государь всеа Руси въ Крымъ к Ысламу царю

¹ о ракахъ *кинов. на польѣ Б; нѣтъ Л.* ² убо и въ нынешнихъ *нѣтъ А. Л.* ³ ублажаетъ *исправлено изъ ублажитіе Б.* ⁴ чудотворца старательство возимѣли.—Преложеніе мощей алексіа чудо-
творца.—Великій князь иванъ васильевичъ и мати его великая княгиня елена А; чудотворца ста-
рательство возимѣли. Великій Князь Иванъ Васильевичъ и мати его Великая Княгиня Елена Л. ⁵ мощи
святаго *повторено дважды А.* ⁶ Заголовка *нѣтъ Л.*

своего сына боярского Данила Дмитриева сына Загрязского з грамотами о дружбе. ¹Того же 1535. мѣсяца марта въ 16 день приидоша на Москву къ великому государю Ивану Васильевичу всеа Руси самодръжцу послы отъ маистра Ливонского отъ Германа, Иванъ Логденъ да Федоръ Онтоновъ да Ганусъ, здравствовали великого князя на великихъ государствѣхъ и били челомъ, чтобы государь жаловалъ и берегъ ихъ такъ же, какъ ихъ жаловалъ отецъ его князь великий Василей Ивановичъ маистра и всю землю Ливонскую. И князь великий Иванъ Васильевичъ маистра и всю землю Ливонскую хочеть жаловати и беречи такъ же, какъ отецъ его жаловалъ ихъ и берегъ, и пожаловалъ ихъ князь великий, велѣлъ съ ними взяти перемирье въ своей вотчине въ Великомъ Новѣградѣ намѣстникомъ Новоградцкымъ таково же, какъ преже сего было съ отцемъ его великимъ княземъ Васильемъ Ивановичемъ всеа Руси; и почтивъ пословъ, отпустилъ въ свою отчину въ Великий Новградъ. ²Тоя же зимы князь великий и мати его великаа княгини, видѣвъ неправду въ людехъ, денегъ умпожися поддѣльныхъ и рѣзанныхъ, и восхотѣ то лукавство изъ своего государства вывести. И посовѣтовавъ о томъ з бояры, и повелѣ государь и его мати дѣлати денги новые изъ гривенки по три рубли, а старыя денги и поддѣльныя и рѣзаныя передѣлывати, а поддѣльнымъ и рѣзаннымъ || не л. 615. ходити; а въ старыхъ денгахъ въ добрыхъ въ новгородкахъ и въ московкахъ въ гривенке полтретья рубля з гривною, и великая княгини велѣла прибавити въ гривенку новыхъ денегъ, чтобъ было людемъ не великой убытокъ отъ лихихъ денегъ отъ поддѣльныхъ и отъ обрѣзанныхъ, и впередъ не велѣли лихимъ денгамъ ходити, а поддѣльчиковъ и обрѣзчиковъ велѣла обыскивати и казнити. О каменомъ граде ³. Тоя же весны князь великий Иванъ Васильевичъ и мати его великая княгини Елена велѣла заложити градъ камень на Москвѣ по рву земельного града, и митрополиту итти со кресты около рва, и молебная пѣти, и мѣсто освятити. И мѣсяца маіа въ 16 день, въ недѣлю Пятдесятную, на Сшествіе Святаго Духа, Данилъ митрополитъ ходилъ со кресты около рва, и молебны пѣлъ, и мѣсто освятить; и по молебнѣ заложилъ Петрокъ Малой новокрещеной Фрязинъ стрѣлницу, врата Стрѣтенскыя, на Николской улице, да другую стрѣлницу, врата Троецкыя, съ тое же улицы къ Пушечному двору, да третья врата Всесвятскыя на Варварской улице, да четвертыя врата Козмыдаміанскыя на Великой улице. О Литовскомъ походе и о Сѣбеже ⁴. Того же лѣта прибежали изъ Литвы къ великому князю на Москву отъ измѣнниковъ великого князя отъ князя Семена отъ Бѣлскаго и отъ Ивана отъ Лятцкаго люди ихъ, пограбивъ казны ихъ, да сказали великому князю, || что збираются королевскыя воеводы со многими людьми Литовскими, об. 615. да и понаймовалъ король многихъ людей Ляховъ, а хотять итти на великого князя украины, на Смоленскыя мѣста. И князь великий и мати его великаа княгини, слышавъ то и посовѣтовавъ з бояры своими, и послалъ воеводъ своихъ противъ королевыхъ воеводъ собраніа и Литовскыя земли воевати, мѣсяца іюня 20, въ недѣлю; а итти съ Москвы въ болшомъ полку боярину своему и воеводе князю Василію Васильевичу Шуйскому да князю Данилу Дмитриевичу Пронскому, а въ передовомъ полку боярину своему конюшему князю Ивану Федоровичу Телепневу Оболенского да князю Федору Михайловичу Курбского да князю Василью князь Федорову сыну Охлябинина, а въ правой рукѣ князю Андрѣю Дмитриевичу Ростовского да князю Никите Борисовичу Туренина, а въ лѣвой рукѣ князю Василью Ивановичу

¹ Кин. на полт.: о немецкихъ послѣхъ Б. ² Кин. на полт.: о денгахъ Б. ³ Заголовка нѣтъ Л.
⁴ Заголовка нѣтъ Л.

1535. Репнина да князю Ивану князь Михайлову сыну Троекурова, а въ сторожевомъ полку боярину своему и воеводе князю Василью Даниловичю Пѣнкова да Василью Петрову сыну Борисова. А велѣлъ князь великый и мати его великая княгини итти воеводамъ своимъ изъ Смоленска противъ Литовскихъ людей и Литовскихъ городовъ воевати королева ради несправ-
- л. 616. ленія. А изъ Новагорода изъ Великого послалъ князь великый и мати его великая княгини въ Литовскую же землю намѣстниковъ своихъ Новгородцкихъ князя Бориса Ивановича Горбатого да Михаила Семеновича Воронцова да дворецкого Новгородцкого Ивана Никитича Бутурлина; а велѣлъ князь великый и мати его поставити градъ въ Литовской землѣ на озере на Сѣбеже. И князь Борисъ Ивановичъ и Михайло Семеновичъ, по великого князя наказу, въ Литовскую землю не попли, а стали на Опочкахъ, а отпустили города ставити въ Литовскую землю Ивапа Никитича со многими людьми. И Ивапъ Никитичъ Бутурлипъ, по великого князя велѣнію, шедъ въ Литовскую землю, зъ детми боярскими съ Деревскою пятиною и съ черными людьми, почалъ градъ дѣлати земленъ въ Литовской земли на озере на Сѣбеже, мѣсяца іюня 29, вторникъ, во имя великого государя Иванградъ¹; а додѣлаша его того же лѣта, мѣсяца іюліа 20, вторникъ. Воеводы же великого князя Василей съ товарищи, шедъ въ Литовскую землю въ королеву дръжаву, начаша воевати королевы города; припедъ ко Метиславлю, посадъ пожгли, и острогъ взяли, и многихъ людей Литовскихъ побили, а иныхъ переимавъ къ великому князю на Москву прислали; и оттоле пошли воеводы великого князя подъ иные города. А король въ то время воеводамъ своимъ велѣлъ итти на великого
- об. 616. князя україну, на Стародубские мѣста, пану Юрью Николаеву сыну Родивилевичю старосте Городенскому², да Андрѣю Немирову, да Лятцкому гетману Яну, да князю Іліе Острожскому да Торновскому³, да великого князя измѣннику князю Семену Бѣльскому; а Лятцкого велѣлъ краль за сторожи дръжати. Тако краль же умыслилъ своимъ лукавствомъ: людей своихъ многихъ послалъ подъ Стародубъ, а въ Крымъ краль послалъ ко царю и къ царевичемъ многіе дары и съ великимъ моленіемъ, чтобъ пошли ему на помощь на великого князя украинны мѣста; не могуще самъ противитися, и многими дары утоляетъ варварскихъ царей. Проклятїи же и скверніи варвари, видѣвши къ собѣ королеву присылку съ великою мздою и съ моленіемъ, они же клятвoprеступницы и лживїи варвари, и царь⁴ и царевичи, уклонившася на великие дары королевы, и слышавше великого князя воеводъ въ Литовской землѣ, посланника великаго государя Ивана Васильевича Данила Загрязского зъ грамотами въскоре отпустили. Августа 2 посланникъ великого князя Данило Загрязской изъ Крыму прїѣхалъ, и Исламъ приказалъ зъ Даниломъ, что окончено Крымскимъ людямъ ратїю на великого князя украинны не будутъ. А зъ Даниломъ вмѣсте прїѣхалъ къ великому государю Исламовъ гонецъ Телешъ
- л. 617. богатырь, а привезъ отъ Ислама царя грамоту || шертную о дружбѣ и о братствѣ, и правду на ней Исламъ учинилъ, и уланы, и князи, и всѣ люди Крымские. О приходе Крымскихъ Татаръ⁵. И князь великый Ивапъ и великая княгини мати его боголюбиваа Елена, видѣвъ посланника своего и Исламова челоуѣка съ таковою грамотою припедшихъ, вѣру яша по своей христїанской и великой православной вѣре, и князь великый послалъ людей своихъ къ Стародубу противъ Литовскихъ людей. Зліи же варвари, ни Бога боащася, ни клятвы стыдащася, якоже лживый и проклятый учитель ихъ Маамеевъ, тако же и сіи лживцы, великого

¹ Иванградъ *нѣтъ* Л. ² городецкому А. Л. ³ Торіовскому А. Л. ⁴ они же... царь всѣ цари А. Л.

⁵ Заголовокъ повторенъ кин. на полѣ В; заголовка *нѣтъ* Л.